



周益文忠公集一百七十三 思陵錄下

起戊申三月丁酉

盡己酉二月壬戌

淳熙十五年戊申

三月丁酉朔雨延和殿坐呈學士院申明報謝國書  
晉紹興三十年例以錦拓匣用紅封裹

上曰合依去年告哀國書例並以黃蕭燧申昨充按  
行使將來合往攢宮審驗神標緣除參政合與不合  
前去或止令吳回掌管將來一就結局有旨令吳回  
掌管一就結局從駕過 德壽宮臨慰如儀

己亥晴早百官請 太上尊謚於南郊積雨驟霽人  
皆歎異辛丑晴國忌行查畢先詣 德壽宮進名奉  
慰 太后次詣西上閤門進名奉慰

皇帝及 皇后以 太上謚號勅下也次入東華門  
至椅柱奏事呈禮部太常寺申將來發引差攝太傅  
尊梓宮合就委總護使及攝侍中少傅少保等予奏  
餘官皆已擬足惟太傅續呈既退 上遣內侍指批  
旨云大行太上皇帝靈駕發引依紹興二十九年  
顯仁皇后例免引拽

壬寅雨早常服告帶至祥儀殿憲節皇后冊寶自內  
中出騎從至太廟門下馬至南神門外幄次奉安訖  
就廟中宿齋

癸卯陰燁地濕祭服詣殿廊立班文武百官皆集後  
冊寶入南神門至殿西階下俟奉神主出柩室再拜  
王相攝太傅升殿逐室上香奠奠酌酒讀祝文訖回  
至冊匣手搢笏奉冊以授之留參讀冊於殿上意若  
告 祖宗者讀畢復授室如授冊之儀黃樞讀室於  
殿上訖各復位贊再拜奉神主入柩室瘞奠訖復換  
常服吉帶從冊寶出廟門騎從至 壽宮換黑帶人  
以冊寶告于 太上皇帝虞坐前如太廟之儀從冊

寶歸太廟權奉安訖歸家

甲辰晴延和奏事蕭參謝充攢宮禮儀使且云已具畫一進入上小語云尚未定且少侍或改差宰相蓋恐人有議論既而上問差宰相如何予奏去年十月臣在德壽宮嘗固言當置五使而禮官堅執紹興二十九年顯仁例殊不知事體當有別臣適避嫌不敢力爭今陛下既用七月之制又行三年之服豈可無執政官至陵下前日所以綿絕乞差蕭燧充禮儀使蓋此使舊用從官今以兩府足見增重之意又序位適在伯圭之下於總議使自不相妨兼元

祐二年迎奉

神宗塑像往裕陵亦差中書侍郎呂

大防為禮儀使即今參政也蓋不敢無所據云

上曰事體不輕甚善

上宣諭紹興府前月二十九

日大明雷日雨雹甚損麥苗獨攢宮相近無之呈激

賞庫申昨紹興二十九年有支送總護使已不常禮

今未有錢銀

上曰幾何予奏已具在此約錢八千

緡銀二百兩項年激賞庫有餘今非昔比上曰即

今封樁庫此自合支乃令在帑支萬緡及銀二百兩

次補闕薛叔似對兩疏一論政事一乞請太后還

大內次詣詳曦殿下立班聖神文武憲孝皇帝冊

寶自內出再拜訖從詣 德壽宮奉安於宮門外幄  
次赴都堂宿齋以近例論之合於 德壽宮前宿齋  
亦惟吏言是從耳

乙巳絕早常服黑帶詣 德壽宮門外幄次後從冊  
寶寘殿階下少退再追班再拜左相升殿上香奠茶  
訖下殿予以冊寶寘殿階之冊次授寶如冊黃樞升  
殿讀寶禮畢進名慰 太后次赴太廟換吉帶就別  
廟奉上 懿節皇后改謚憲節如太上冊寶之儀次  
換黑帶詣文德殿門外為奉上 太上謚冊寶畢奉  
慰 皇帝 皇后並進名再拜帝后兩冊寶左相當

上 太上者予當憲節者樞參亦各一讀冊寶而太  
常不敢明言堂吏又復望觀既左相並任其事冊在  
寶先但字数多尔初謂以此相優令予讀寶予以憚  
不敢辨但用紹興二十九年 顯仁例陳康伯為右  
相以冊寶授左相而令樞參讀冊寶吏又以黃樞衰  
疲憚煩遂令讀寶云內侍都知劉慶祖傳旨賜奉上  
冊寶銀絹二相各三百疋兩樞參各二百四十疋兩  
同人奏辭免聞禮官行及事官支賜有差  
丙午旬休內批辭銀絹奏云不許辭免可特收受  
丁未延和殿坐起居畢三省密院同辭銀絹

上再三不許曰典禮至重其數不多不必固辭進呈  
至道三年永熙陵典故四月差越王元份等五使是  
年九月十四日差宰臣呂端攝太傅持節前華靈駕  
并奠謚冊寶監鑰玄宮是時一相尚且親往只如紹  
興元年昭慈聖獻皇后在會稽倉卒間猶命同知樞  
密院事李回為總護使又差參知政事張守監掩攢  
宮蓋是時范宗尹獨相又母后事體不同今者有司  
不知典故凡事只用顯仁誤例初八日因聖問臣方  
敢具出 上曰若無典故猶當義起况典故甚明乎  
初予連日語左相今若鹵莽後必噬臍左深以為疑

五更漏舍再示以典故怫然日須是兩相都往又密  
語留參云云留遂云左相疑逼其去則不可復歸不  
如已之予曰然則其當自請去留曰如此方可既進  
呈予亟奏臣請去 上從之且曰別立使名如何予  
奏使名却小且礙總護只依此的例為是王相見議  
定然後云 陛下屬臣亦可 上曰下須是日內引  
洪邁 上諭以山陵事重已令宰臣一人去初欲立  
使名恐礙總護乃有攝太傅故事邁贊 聖德又進  
劄子乞條具脩實錄又奏頃蒙宣諭 太上皇帝宜  
以文武臣各二人配享文臣無如呂頤浩趙鼎武臣

唐文公集卷之八 附錄下 五  
當用張俊韓世忠乞令侍從議並批依奏

上又曰鼎有社稷之功邁以諸韓在此致力書韓世忠於張俊之上皆云太師其實世忠乃贈爾從駕過德壽宮即回有台州進士呆丈夫余宗臣縞素在望僊橋東欲攔駕投進二黃冊文字為街司所驅駕過叫呼不已臨安府為繳進乃萬世如見集其前 太上慶壽歌頌其後乃追思上僊之辭刻板模印數十本有旨令臨安毀板押出界

戊申國忌行香

己酉不坐入局內引總護使伯圭又引報謝使副京鏗劉端仁朝辭其書曰比沐慈仁遠馳華使愍念凶哀之故特形祭唁之儀雖已飭於報亟顧未殫於感緒亟顙謝礼游達英聰不腆弊將併伸牘布鏗奏齋礼物當與告哀使同緣其間遺留使却用泛使例恐今減半彼以為疑 上沉吟良久曰莫適中否又云以卿向來館伴個儻故加選用蓋諫議謝諤有疏乞量增

上不以為然故

聖語如此

辛亥早國忌行香倚桂閣下奏事呈謝謂乞量添報

謝使禮物 上曰昨京鏗亦來說用正旦例已得中  
諤自不知遂進呈訖又呈戶部奏今年權免會慶聖  
節進奉總計左藏庫銀十三萬二千八十兩五錢二  
分五厘絹三萬七千四百尺金三百兩折銀錢三萬  
六千六百二十八貫三百六十二文內藏庫銀五千  
九百五十九兩折銀絹錢四千九百八十四貫三百  
七十五文上曰明年又須此數予奏此盛德事

陛下必不惜 上曰將來衣絹莫不防關否予奏戶  
部紐作四貫一疋價已不低有錢甚易買 上許之  
退批旨以金銀對支予呈劄子被差前導 太上靈

駕止闕借奉使一印并帶堂吏五人諸色使令五十  
餘人並不申請借請批支之類免覲思賞但令激賞  
庫使臣量帶官會前去恐合犒設人匠 上曰須行  
犒設仍務從優蓋宰臣親往大小大休面內侍首都  
知語行首司云近日冊寶銀絹既未見齎闕子來請  
已得旨少間一面降賜支食錢二十千酒四瓶短表  
謝內侍傳旨付下洪邁所擬指揮其畧云攢宮大事  
如官吏指望赦恩故不整肅及受財擾良民理宜戒  
勅乞給黃榜御批須與下須降指揮予與王相回奏  
不須是日文思院發方相氏龍轎影殿大昇輦等赴

周益公文集卷之七  
德壽宮四遠未觀者填塞街衢或云朝天門外曾踏  
殺人

壬子微雨陰早延和殿起居訖從駕過 德壽宮辰  
時八刻 太上皇帝啟攢還殿群臣服初喪服哭臨  
奉慰加儀車駕留宮中三衙巡警如去冬而不置大  
內及行宮使

癸丑微雨而陰穀雨節故也晚而霽禮官先請群臣  
非侍從及執事者來日並免立班先詣城外伺候奉  
辭 太上靈駕蓋畧做在京乾元門立班故事爾侍  
從集議高廟配享四人宜如明詔批依初洪邁當

太上升遐即鈞致 上語退即宣言于外十一日既  
得依奏之筆省中行文書前兩日方偏至侍從処邁  
又草其議衆人簽名而已衆論頗洶洶又聞章森上  
書乞用張浚岳飛揚萬里乞用浚不報

甲寅三鼓 皇太后行礼奉辭故事當詣外城

上以太后年高不可出故也 上行啓奠禮其禮奠  
幣三祭酒讀祝文倍位哭如儀有項攝侍中宇文价  
奏請靈駕進發輦官力士捧擎梓宮稍前又奏請少  
駐有司設牲牢禮饌于床陪位哭如啓奠之儀侍中  
奏請進發輦官力士升捧擎梓宮予攝太傅持郎前

尊梓宮進行太常少卿帥執筓者分左右障梓宮

皇帝及太子總護使伯圭皇親南班官並舉哭從

至德壽殿侍中奏請梓宮升龍輜將作監韋璞率輦官力士捧擎梓宮登龍輜其下有輪故曰車挽土奉引予持節導至德壽宮門外侍中奏請

靈駕權駐遂去又盤升大昇輦其制下為底而蓋殿以宇四柱皆旋安插夾以青障左刻青龍右刻白虎前後各有朱扉前掛黃綠簾上垂朱雀後為龜蛇以象元武既畢皇帝行遣奠禮牲宰禮饌如祖奠陪位哭如儀攝中書令陳居仁讀哀冊皇帝舉哭訖

摧歸素幄閣門吏引予與總護使及諸使宗室等朝辭再拜吏唱好去大昇輦進發皇帝出幄執絲繩內侍割繩訖持節騎導大昇輦凶伏儀衛等進行挽即沿路歌挽章自皇后太子及妃嬪宰執侍從三衙在外諸軍次第排祭月色清明觀者四遠而至

皇太子送於新開門內文武百官奏辭於門外遂登舟潮水既應波伏不興黎明離岸即達西興真有相之道也梓宮既入港埭不留乃乘馬僅二三里登舟又十二里至蕭山縣覺苑寺宿埭捕臨如儀即張杓漕趙不流提刑延坐提舉常平田渭皆來凡梓宮前

船一百八隻後船一百四隻

乙卯晴朝臨訖行三十五里至白鶴橋食頃又十五里至錢清北閘尚甲先次脯臨訖留俟潮應錢清江

者東自三江口來

三口海之浦也浦江分三道左由斗門入曹娥江中為錢清江右入

錢塘江

西過諸暨約三百餘里濶十餘丈運河午貫其

中高於江水丈餘故南北皆築堰止水別設浮橋度行旅大舟例剝載小舟則拖堰而過往歲祐陵之後南北為閘俟潮水與運河適平乃啟閘橫絕至是雖彊為閘而淤泥易壞運副趙不流初議盤剝無何頃遽使洪邁前奏恐內人等登車暴露但當戒節閑慢

之舟上徑批依紹興帥張杓深憂梓宮涉橋危雖

頗拆民居陰為之備終不敢任責至是潮水平慢曰

暮猶低四尺漕遷延不敢開閘杓窘甚密餌御舟篙

稍乃以為可過漕令責狀舟人笑曰踈脫立死何以

狀為於是興主管官內侍都知劉慶祖等議止放梓

宮船閘開水勢奔注久之方稍緩兩岸以索牽制令

水手扶輿而過南將達南岸而大昇輦不受約束相

繼而往微觸御舟賴篙稍善其事遂得入閘輦舟不

能入橫予南岸兩寶又往江流湍急舟人力不能加

直衝其腰簪奉輦不損爾既而虞主亦來江水滋急

復衝用寶腰簪勢尤可畏不流頓足垂涕幾欲赴水  
予約蕭參及宇文步導梓宮舟至錢清鎮宿頓用寶  
幸無它惟腰昇脚并竿杖各損其一乃招帥漕令語  
劉慶祖具奏慶祖等初不知其詳欲未殺其事予不  
可竟以奏夜宿薛氏店

丙辰晴朝臨訖行二十里食頓柯橋又二十里入紹  
興府宿頓光相寺晡臨訖泊舟石寺丞門臨安今日  
五更浙江跨浦橋火約焚拆二百家正梓宮登舟處  
祕書少監楊万里上書論洪邁議配享黜張浚為私  
為欺為專且條沒大功五

丁巳晴朝臨訖導梓宮出都泗門五里食頓會稽縣  
尉司二十五里至羅家新步晡臨馬鑑湖彌漫今此  
為田凡收米八万石每畝三斗可知廣狹矣都泗之  
義人皆不能言或云南史何尚之二代孫胤居東山

送太守衡陽王元簡至都賜瓌或訛賜為泗耳

治平方相

高五吏用八百人曳之巧能動今終二丈餘過城門  
猶底張杓輅合千人遂俯而過聞京師作三截旋安  
闕未常拆開也

戊午陰早梓宮捨舟升龍輅又自輅登大昇輦夫道  
羅禁衛鼓吹繖扇挽歌予騎導行六七里將至永思  
陵復降輦登暫至上宮櫺星門外力士捧擎以入奉

安訖而雨作 上宮者為轍殿三間六椽中間闊一丈六尺兩間各一丈二尺其深三丈後為龜頭三間中間亦闊一丈六尺兩間各五尺其深二丈四尺皇堂在焉初開穴南北長三丈七尺六寸東西闊三丈二尺深九尺四壁用白石膠上五層以石周砌為石截足長一丈六尺二寸闊一丈六寸所用椽長一丈二尺三寸高七尺一寸濶五尺五寸納梓宮于中覆以天盤曩綱巧用青石為壓欄次鋪承重柏木枋二十餘條次鋪白氈二重次鋪竹篾然後用青石條掩攢訖上用香土二寸容土六寸然後以方磚砌地其實土不及尺耳下宮之制殿門三間四椽每間闊一丈四尺深二丈前後殿各三間六椽其深三丈每間闊一丈四尺東西兩廊一十八間四椽其深一丈六尺每間闊一丈一尺殿門東西皆有挾屋一間六椽各闊一丈六尺其深三丈又有櫺星門神遊亭換衣廳予與蕭參父字文尚書洪內翰皆館于泰寧寺去攢宮約三里按照熙寧三年六月郡人氏田即中通判湖州褚瑛記文云周顯德中廢隍城院而置化城院本朝天禧二年僧用歡始廣其居治平二年勅改證道今為泰寧巧在丞陸佃家功德院既為攢宮陸氏

亦徒其墳別賜僧廬而俾崇奉攢宮香火歲度一僧  
四山環合近歲依山為閣頗高潔議者多謂此有山  
陵氣象或云僧徒賂太史局而免寺有資政殿大學  
士知越州趙抃贈山主絕句云不用湖山半日程化  
城非是闍婆城無情說法人聞否風裏松篁管送迎  
亦熙寧丁巳三月十日也住持僧法慈監寺法昇相  
訪晡臨如儀晚得報是日延和奏事右拾遺許及之  
對一乞車駕將來就候潮門迎虞主 上不以為然  
一論祔廟後當新政事近日風俗委靡人才不振  
上諭令有事但預言在鄉不失為良臣朕亦無過舉  
已未朝晡臨隨行携激賞庫錢三千緡先以三百緡  
犒梓宮船篙稍又以一千五百緡送都大主管所令  
稿一行禁衛又以千緡犒修奉司人匠等權禮部郎  
官倪思奏太上掩攢以前除宰執內殿奏事外輪對  
引見班並乞權停有旨依

聖神武文憲孝皇帝永思陵攢宮修奉  
使司

據都壕寨官符思永申據修奉監修申契勘依  
奉 聖旨指揮修奉 永思陵攢宮今據

諸作合干人都壕寨于慶等狀申開具造到上

唐益公文集思陵錄下  
下宮殿宇門廊間架安卓等下項並於三月十  
二日一切畢工伏乞移文所屬交割施行候指  
揮右所據申到在前伏乞備申修奉使司取候  
指揮交割施行申候指揮本司尋牒都壕寨官  
吏更切子細契勘如今來所具到數月別無差  
漏即一面交割施行去後讀據監修官入內內  
侍省內侍殿頭陽榮顯等申並已交割付承思  
陵攢宮司及守到本宮交割訖分文入案申乞

照會

一上宮

殿一坐三門六椽入深三丈心間闊一丈六  
尺兩次間各闊一丈二尺并龜頭一坐三間  
入深二丈四尺心間闊一丈六尺兩次間各  
闊五尺并四鋪下昂柱頭骨朵子月梁拈紋  
單拱屏風柱五寸二分五厘材徹脊明園椽  
順板內龜頭連簷四椽月梁拈五寸二分五  
厘材圓椽厦板兩轉出角四入角扉子白板  
下簷平柱高一丈二尺柱置在內頭頂並係  
丹粉赤白裝造法紅油造柱木週迴擗風簷  
共一百二十扇并拘欄子一十七間並係凡

紅刷油造及腔內出線小絞子共三十八扇  
 係朱紅漆造黃紗糊飾安釘鑰石葉段事件  
 頭頂鋪釘竹笆甌板瓦結瓦行龍并安鴟鴞  
 週迴山斜額道壁子並紅灰泥飾方磚鋪砌  
 地面中城塼壘砌堦頭高三尺并砌週迴散  
 水而南墁地白石壓欄石碇踏道角石角柱  
 并引手拘欄子望柱覆蓮柱頭獅子龜頭皇  
 堂石歲子一坐裏明南北長一丈六尺二寸  
 東西闊一丈六寸白石箱壁二重共厚四尺  
 擗出石一重厚一尺深九尺上用青石壓欄  
 一重厚八寸鋪承重柏木枋子二十二條上  
 鋪白氈二重安砌蓋條青石十條高一尺打  
 築鋪砌塼土共厚一尺通深一丈二尺箱壁  
 石用鐵古字并鉛錫澆灌

殿門一坐三間四椽入深二丈心間闊一丈六  
 尺兩次間各闊一丈二尺四鋪下昂絞要頭  
 柱頭骨朵子分心柱四寸五分材月梁祇徹  
 脊明圓椽順板扉子白板直廢造下擔平柱  
 高一丈二尺柱置在內頭頂丹粉赤白裝造  
 凡紅油造柱木硬門三合額頰地祇門闕鐵

鴛鴦壹桶子黑油浮甌釘葉段門絞頭鋪釘竹  
笆甌板瓦結瓦行壠安鴟鴞週迴山斜額道  
壁落紅灰泥飾土坯壘砌兩山墻紅灰泥飾  
中城磚鋪砌地面壘砌堦頭高二尺五寸并  
砌散水白石壓欄石碇并前後踏道及安砌  
面南白石墁地

水窰子一坐作二三疊澁腰花坐頭頂顯柱頭  
斜口跳骨朵子中城磚并條磚飛放簷槽小  
甌板瓦結瓦行壠并三壁捲簷門子墀窻裏  
用鐵索并丹粉赤白粧造

殿前中城磚六辨壘砌水綱四坐并設坐水大  
桶二隻提水桶十隻并酒子

檣星門南北共二坐柱頭上各安閤闕并各安  
門二扇肘葉門絞桶子全并石門砧及凡紅  
油柱木門戶

外籬門一坐安卓門二扇並凡紅刷油造柱木  
并門及兩壁扎縛打立實竹籬二十餘文并  
立籬健石

紅灰墻週迴長六十三丈五尺上用乾笆椽鋪  
釘竹笆甌板瓦結瓦行壠凡紅刷造乾笆椽

紅灰泥飾圍牆下角用銀鈿磚壘砌隔成并  
中城磚壘砌鵲臺二堵

裏籬磚牆係中城磚躡簷壘砌週迴長八十七  
丈上用甌板瓦結瓦行壠

東壁隔截磚牆係中城磚簷壘砌長四十丈  
土地廟一坐并龜頭一間頭頂並係丹粉赤白

裝造凡紅油造柱木等白灰泥飾壁落并仰  
梁中城磚砌地面并階頭中板瓦結瓦行壠

并面南西壁壘砌火窰子一座土地神衆共  
七尊黑漆供床一張

巡鋪屋牆裏外共四間並白灰泥飾壁落中板

瓦結瓦凡紅刷油造柱木立精地袱并週迴  
簷槽并磚砌水缸四座

條磚砂塔東壁路道闊四丈長四十丈

一下宮

殿門一坐三間四椽入深二丈各間闊一丈四

尺重斗口跳身內單拱方直袂徹脊明圓椽  
順板扉子白板分心柱直廢造下簷平柱高

一丈四寸柱置在內顯頂丹粉赤白裝造法  
紅油造柱木并軟硬門二合及頗額地袱門

闕等并黃油浮甌釘及門鉸肘葉鴛臺桶子  
頭頂鋪釘竹笆甌板瓦結瓦行壠并鴟鴞及  
週迴額道山斜壁子並紅灰造作并土坯壘  
砌兩山牆紅灰泥飾中城磚鋪砌地面并塔  
頭高二尺并砌散米及白石安砌壓欄石礎  
并前後踏道

火窰子一坐下作二三疊澁腰花坐頭頂顯柱  
頭斗口跳骨朵子中城磚并條磚飛放簷槽  
小甌瓦結瓦行壠三壁捲簷門子磚窰裏用  
鐵索及用丹粉赤白裝造

前後殿三坐各三間六椽入深三丈各間闊一  
丈四尺四鋪捲頭脰內絞單拱攀間心間前  
袱項柱兩山鞦韆柱徹脊明五寸二分五厘  
材圓椽順板扉子白板柱頭骨朵子直廢造  
下簷平柱高一丈一尺柱置在內頭頂並係  
丹粉赤白粧造法紅油造柱木并板壁一十  
四扇朱紅漆造出線小絞隔子四十扇黃紗  
糊飾安釘鑰石葉段事件并凡紅油造擗風  
簷八十扇并构欄子八間頭頂鋪釘竹笆甌  
板瓦結瓦行壠并安鴟鴞方磚砌地面中城

唐益公文集卷之四  
博壘砌堦頭高二丈五寸并打花側砌天井  
子踴路并兩壁路道及包砌水缸四坐白石  
壓欄石碇并踏道上坐引手拘欄子望柱頭  
獅子

殿門東西兩挾各一間四椽入深二丈間闊一  
丈六尺單斗直替方額混袂方椽硬簷下簷  
柱高八尺五寸柱置在內頭頂丹粉赤白裝  
造凡紅油造柱木黑油杙子二間頭頂鋪釘  
竹笆白灰仰塗中板瓦結廡週迴壁落白灰  
泥飾并土坯壘砌坯牆用白灰泥飾中城博

鋪砌地面并堦頭高一尺五寸白石壓欄石  
碇

東西兩廊一十八間四椽入深一丈六尺各間  
闊一丈一尺下簷單斗直替方額混袂方椽  
硬簷造頭頂丹粉赤白裝造凡紅油造柱木  
中城博鋪砌池面并砌堦頭高一尺五寸頭  
頂鋪釘竹笆白灰仰塗中板瓦結廡白石壓  
欄石碇東西兩下簷並係土牆三十六間白  
灰泥飾

後殿東西兩挾各一間六椽入深三丈各間闊

一丈六尺方額混袂方椽硬簷造頭頂並係  
丹粉赤白裝造凡紅油造柱木中城磚鋪砌  
地面上坯壘砌垣牆白灰泥飾頭頂鋪釘竹  
笆白灰切塗白石壓欄石碇及中城磚砌塔  
頭高一尺五寸并安卓朱紅隔子八扇黃紗  
糊造鑰石葉事件

檣星門一坐柱頭上安閤闕并安卓二扇並係  
凡紅刷油造及釘造肘柴門鐵鸞臺桶子并  
石門砧

外籬門一坐安卓門二扇並凡紅刷油造及安  
白石門砧綽楔門一坐安卓竹門二扇並凡  
紅油造

棧星門裏中城磚包砌水鋼四座

神厨五間四椽入深二丈各間闊一丈一尺單  
對直替方額混袂方椽硬簷心間安釘平暗  
椽板一間頭頂丹粉赤白裝造凡紅油造柱  
木直檣窻心白灰泥飾壁落中板瓦結廡并壘  
砌鍋竈五事壇二隻白石壓欄石碇

神厨過廊三間并奉使房二間及香火房二間  
頭頂並丹粉赤白裝造凡紅油造柱木黑油

直檣窻頭頂鋪釘竹笆仰塗中板瓦結瓦行  
壠白灰泥飾週迴壁落中城磚砌地面白石  
壘攔石碇內香火壘砌火窻子一坐

潛火屋并庫屋四間頭頂簷槽丹粉赤白裝造  
中板瓦結瓦行壠白灰泥飾壁落凡紅油造  
柱木門戶黑油直棧窻中城磚壘砌階頭

換衣廳三間頭頂中板瓦結瓦鋪釘竹笆白灰  
仰塗并週迴壁落凡紅油柱木黑油直棧窻  
隔子丹粉赤白裝造頭頂中城磚鋪砌地面  
并壘砌階頭白石壓攔石碇前後踏道

鋪屋圍牆裏外五間頭頂中板瓦結瓦白灰壁  
落凡紅刷造週迴簷槽及凡紅油造柱木立  
精地袱中城磚壘砌階頭磚砌水綱五坐

廟子一坐并龜頭一間頭頂中板瓦結瓦行壠  
頭頂丹彩赤白裝造凡紅油造柱木白灰泥  
壁落中城磚砌地面屏階頭及踏道土地神  
衆共七尊黑漆供床一張

神遊亭一坐頭頂瓦結瓦行壠三面坐嵌构  
攔子週迴檣簾杆掛簪並凡紅油造頭頂丹  
粉赤白裝飾方磚砌地面中城磚壘砌階頭

并踏道一坐又安白石基臺一副并面南壘  
砌花臺一坐長丈八尺闊一丈五尺上安白  
石壓欄係白石梁柱上攏黑油方木檯子十  
五丈

過道門四門頭頂中板瓦結廡白灰仰塗并壁  
落丹粉赤白裝造凡紅油柱木

週迴白灰圍牆長一百三丈六尺上用乾笆椽  
鋪釘竹笆中板瓦結廡行壠凡紅刷造乾笆  
椽白灰泥飾

一上下宮東壁扎縛打立竹實籬七十餘文西  
壁展套茨籬一百餘文

一上下宮諸處白石板安砌路道長一百八十  
餘丈

一上下宮東西兩壁各打實長 長二十九丈  
六尺并竹籬門二坐

右件如前謹具申

尚書肖伏乞

照會謹狀

淳熙十五年三月

日履正大夫昭慶軍承宣使

入內內

侍省副都知攢宮修奉鈐  
轄霍汝弼

降授右武大夫榮州刺史殿  
前副都指揮使攢宮修  
奉都護郭棣

聖神武文憲孝皇帝永思陵攢宮修奉使司承按行  
使司牒勘會本司於今月十九日將帶太史局判  
局尅擇官詣攢宮按視得

聖神武文憲孝皇帝攢宮壘域神冗并神園四正並  
依得元按標筭地段除已奏聞外請照會施行本

司尋牒都壕寨官照應故例施行去後今據都壕  
寨官符永思申本司尋牒監修官施行去後據回  
申據都壕寨于慶等狀已將神冗心椿土末起拆  
訖又用底板石補砌了當今來所修永思陵皇堂  
四壁箱壁石各係二重共闊四尺膠土各闊四尺  
四尺擬土石一重係各厚一尺通共元開南北長  
三丈七尺六寸東西闊三丈二尺用石板安砌打  
築圓備其皇堂裏明深九尺長一丈六尺二寸闊  
一丈六寸椽長一丈二尺二寸高七尺一寸闊五  
尺五寸將來四壁若下神煞并椽底及進梓宮次

進搏身并安設天盤曩綱委得並無妨礙本司保  
明是實申乞照會續又據都壕寨官符思永申備  
據監修官申尋勒合千人揚椿等開具到皇堂丈  
尺并石段栢木枋等數目下項申乞照會

一皇堂開通長三丈七尺六寸通闊三丈二尺深  
九尺係裏明用擗土石五層週廻用一百六十  
段雙頭各石長四尺闊二尺厚一尺壘砌

一底板石三十段內六段各長一丈一尺闊三尺  
二寸二十四段各長四尺闊二尺五寸厚八寸  
一石藏裏明長一丈六尺二寸闊一丈六寸深九

尺係九層雙頭石各長四尺闊二尺厚一尺用  
三百二十四段壘砌并神穴心墩已補砌了當  
用過石一段

一青石子口一十四段石藏上壓欄使用各闊一  
尺九寸五分厚八尺一寸長短不等

一青石蓋條用一十條各長丈五尺闊二尺厚一  
尺

一承承重栢木枋二十二條闊狹不等所闊各一  
丈六尺二寸長一丈二尺二寸各厚八寸青石  
蓋條承重栢木枋並已安乾閃試了當

一氈係鋪兩重長一丈六尺闊一丈二尺用八六  
白氈四領四六白氈八領兩重共約厚二寸  
一掩攢訖皇堂上用香上二寸於香土上用客土  
六寸鋪襯訖用方磚鋪砌地面

右謹具申

尚書省伏乞

照會謹狀

淳熙十五年三月

日具位如前

庚申朝脯臨連日雨作益知涂晴霄為有神助也

辛酉晴朝脯臨右拾遺許及之密報洪邁以臺諫欲

附廟後論列配享事邁亟人奏引楊万里之言乞去

新知泰州蘇玘新知興化軍張淵新知武岡軍石斗

文新知台州司馬僖前知潯州劉敏文主管明道宮

呂大麟並自城中相訪皆寄居也

壬戌雨朝脯臨

癸亥晴朝脯臨會稽知縣葉尚尉秦勳相訪云內人

每頓頗羊肉四百斤泛索尤難應副如田鷄動要數

十斤其實 德壽宮惟張淑妃及內人一二十人大

內內人皇后殿十八耳是日聞車駕詣 皇太后殿

起居即回沿路起居如常

甲子晴朝晡臨聞土人是日皆發廩初恐其雨則夏  
旱也賜洪邁不允詔到聞再人文字治平齋記昌王  
東平群王號國公皆以茶藥酒果遺五使送酒三旨  
小尊此同蕭參以六十千并思堂春十掇遺之又十  
千十掇遺之又十千十掇遺宇文尚書洪內翰餘取  
事宮又修奉都護鈐轄都大主管中貴人谷遺以思  
堂春十尊或八尊其餘諸使屬官幾百輩皆不及如  
思平郡王平陽群王嗣濮王亡散開府六峴府不曹  
通問曾仲躬侍郎陳叔進舍人皆自城中來相訪  
乙丑晴朝晡臨是日埋重於野樊凶器於田得報遺  
留禮信使顏師魯高震以此月二十四日回至盱台  
初師魯等正月二十五日過界二月七日過黃河衛  
州已為水所衝腰頓改就慕化村王三郎家二十一  
日至燕京燕賓館晏畢入耒寧館蓋汎使之館也二  
十三日朝見二十七日朝辭當日館伴以公牒却遺  
留內玉器坡瓌刀劍二十八日離燕京路中設宴免  
聽樂簪花如吉哀使副云

丙寅早微雨有司於梓宮前陳設牙床祭器禮饌行  
事又陪位官皆序哭總護使上各奠幣三祭酒止哭  
太祝讀祝文復奉哭訖退卯時八刻侍中奏請

唐書文苑英華卷之四十一 禮儀 卷之四十一  
靈駕赴攢宮內人先辭而出有司捧遷梓宮赴皇堂  
排栢木枋留其中兩條太史贊中官奏請

聖神武文憲孝皇帝神灵上神帛又請神灵上虞主  
神帛載逍遙車先登舟然後尺鋪兩枋加白氈竹簟  
石條攝太傅及監察御史並監視次以羞盛香上攝  
少保執錚就颺者九所謂復土九錚如此其詳已載  
二十一日  
其實覆土不及天蓋一依

昭慈聖獻及永祐陵制度也太常卿行掩攢宮享禮  
昱如遷奠之儀但不用陪位官次向衆官易常假告  
帶赴 昭慈聖獻 永祐 顯肅顯仁 憲節攢殿

各兩拜而退陵域相望地勢殊迫次易黑帶就泰寧  
寺望闕拜表慰心 皇帝并發 皇太后及

皇后慰心殿二通次復與總護禮儀橋道頓遞使詣

永思陵攢宮陪位行第一虞祭初止用太常卿行禮  
予閱司馬溫公治平齋記載 厚陵時用庫部員外

郎宗正丞趙誨主祭以謂當時至親則有昌王宗室  
尊行則有東平郡王允弼異姓貴臣則有韓琦而皆  
陪位於庭顧使一員外郎登降奠獻乃有司循故事

之設困諭太常吏予與伯珪蕭燧宇文价洪邁皆陪  
位以禮言之伯珪當行禮也溫公又記五使皆於未

唐益公文集卷之四  
掩皇堂前朝諸陵又謁會聖宮觀御容塑像凡登臨  
之處皆往以日晚不及東過景云寺為言今乃迫遽  
如此雖下宮亦不許至予非山陵使不欲有所更惟  
太常吏齊聞詔是聽也執事官同來者太府少卿韋  
璞國子司業何淡檢詳范嗣蟲察官吳傳古并總護  
屬官度支郎趙善悉司農簿盧瑢皆先还行在惟尤  
袤以太常留主虞祭

四月丁卯朔天祺節早兩赴 思陵獻殿陪位行第  
二虞祭畢再拜舜陵舉哭訖又再拜而退虞王升腰  
鞶而寶禁衛等皆行予與諸使騎導至新步登舟午

晴至紹興府止于光相寺

戊辰陰早赴虞王舟中行第三虞祭五人陪位如昨  
治平齋記云永厚陵第一虞哭仁宗之虞不哭今亦  
不哭退少留俟內人船先去允之云行午時至錢清  
鎮泊于南閘諸暨宰翁子中來謁云每縣官支可三  
千緡排一頓渠節費頗有羨餘

已巳晴夜來趙漕與總護司議虜主等並剝載今晨  
潮水大至可以渡江業已議定於是僧道寺先隨神  
帛道遙子過浮橋張淑妃已下從焉次禁衛迎虞主  
來總護前導予與蕭宇文洪四人立馬以侍同導登

舟中陪位行第四虞祭遂行午時泊蕭山縣

庚午晴早就舟中陪位行第五虞祭以禁渡留邑中

圖經云邑本吳王闔閭弟夫槩王之邑漢魏餘暨吳

大帝改曰永興唐天寶元年改蕭山縣蓋西一里有

蕭山滲水所出東入海地見漢書里志賀知章吳融皆邑人

也薄暮雷雨已而星出捨舟肩輿十二里宿西興鎮

驛舍中終夜大風異常五更微雨明堂大祀以四月

十日降御禮處分揚万里除直龍圖閣江東運副填

見闕坐上書及洪邁議配享事也

辛未早登渡船西北風猶未甚止張帥趙漕皆不敢

